



ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆ

Վեհափառ Հայրապետի քարեհաճ կարգադրությամբ, ա/թ. հոկտեմբերի 28-ին, Երևանի ա. Սարգիս եկեղեցում, ձեռամբ Արարատյան թեմի առաջնորդական փոխանորդ տ. Կոմիտաս արքեպ. Տեր-Ստեփանյանի, կատարվում է քահանայական ձեռնադրություն և օծում:

Այդ օրը քահանայական ձեռնադրություն են ստանում Մայր Աթոռի միաբան Ստեփանոս արկ. Չազալանը և Երևանի ա. Սարգիս եկեղեցու սարկավագներ Պողոս Զուլֆայանն ու Իշխան Երանոսյանը:

Սուրբ պատարագի ընթացքում, «Ռոջոյն»-ից առաջ, պատարագիչ արքագանը կատարում է երեք նորընծաների ձեռնադրությունն ու օծումը:

Ձեռնադրության ավարտին արքագանը շնորհավորում է նորընծաներին և որպես հոգևոր ծնող տալիս հայրական իր օրհնություններն ու հորդորները:

Նորընծաներից Պողոս քհն. Զուլֆայանը (ավագանի անունը Պողոս) ծնվել է 1924 թվականին Սիրիայի Հոմս քաղաքում, իսկ Հակոբ քհն. Երանոսյանը (ավագանի անունը Իշխան) ծնվել է 1952 թ. Վարդենիսում (Հայաստան), քահանայի ընտանիքում:

Երկու քահանա հայրերը իրենց քառասունքը Երևանի ա. Սարգիս եկեղեցում անց-

կացնելուց հետո հոգևոր ծառայության կոչվեցին Արարատյան թեմում:

Նույն օրը, երեկոյան, ա. Էջմիածնի Մայր տաճարում կատարվում է տ. Ստեփանոս կուսակրոն քահանայի վեղարի տվչությունը՝ ձեռամբ տ. Սիոն արքեպ. Մանուկյանի:

Տ. Ստեփանոս արքեպի քահանայական կոչումը կատարվել էր Էջմիածնում երկու օր առաջ՝ ձեռամբ Մայր տաճարի լուսարարապետ տ. Հուսիկ արքեպ. Սանթրոյանի:

Տ. ՍՏԵՓԱՆՈՍ ԱԲԵՂԱ ՉԱԳԱՅԱՆ

Տ. Ստեփանոս արքեպ Չազալանը ծնվել է 1946 թվականի հոկտեմբերի 30-ին, Հունաստանի Պիրեա քաղաքում:

1951 թվականին ընտանիքով գաղթում են Արգենտինա, և նա իր նախնական կրթությունը ստանում է Բուենոս-Այրեսի տեղական վարժարանում: Ապա 1954 թ. ընտանիքով կրկին վերադառնում են Հունաստան, և 1954—60 թթ. նա սովորում է Քոքինիայի «Ազգային», «Զավարյան» և «Գալթակյան» վարժարաններում:

Նախակրթարանը գերազանց ավարտելուց հետո, ուսումը շարունակում է Նիկոգիայի (Վիպրոս) Մեղգոնյան կրթական հաստատությունում, որը 1966 թվականին



ավարտելուց հետո ընդունվում է Բեյրութի «Հայկազյան» բոլեջ, իսկ 1968—70 թվականներին սովորում Բեյրութի Ամերիկյան համալսարանում, որն ավարտում է փիլիսոփայության Bachelor of Arts-ի դիպլոմով:

Հոգևոր կոչում զգալով իր մեջ, 1977 թ. մարտին գալիս է Մայր Աթոռ, հետևում է հոգևոր ճեմարանի կրոնագիտական և հայագիտական որոշ դասընթացներին և միաժամանակ անգլերեն լեզու դասավանդում հոգևոր ճեմարանում:

Նույն թվականի դեկտեմբերին ձեռնադրվում է անրկապագ՝ ձեռամբ տ. Հուսիկ արքեպ. Սանթրոքյանի:

Նորապսակ տ. Ստեփանոս աբեղան իր քառասունքի օրերը անցկացրեց Մայր Աթոռում:

Նորընձա հայր սուրբը գտնվում է իր ուժերի հասունության և ծաղկման շրջանում և պատրաստ է անսակարգ նվիրումով և բարեխղճորեն ծառայել Մայր Աթոռին, իր ազգին ու եկեղեցուն՝ Վեհափառ Հայրապետի հովանու ներքո:

